

ceud thoradh, 'nuair a bheir sibh feachad tabhartas-bìdh nuadh <sup>a</sup> do'n Tighearna, aig ceann bhur feachduinean, bithidh co'-ghairm naomh agaibh : obair thràilleil sam bith cha dean sibh.

27 Ach bheir sibh feachad mar ìobairt-loisgte, chum faile cùbhraidh do'n Tighearna, dà tarbh òg, aon reithe, feachd uain do'n cheud bhliadhna.

28 Agus an tabhartas-bìdh do phlùr measgta le h-ola, tri deicheamh earrannan air son gach tairbh, dà dheicheamh earrann air son gach reithe,

29 Deicheamh earrann air leth air son gach uain, air feadh nan feachd uan :

30 Agus aon mheann <sup>b</sup> do na gabhraibh, a dheanamh réite air bhur son.

31 Iobraidh sibh *iad* a thuilleadh air an ìobairt-loisgte ghnàthaichte, agus a tabhartas-bìdh (gun ghaoid bithidh iad duibh) agus an tabhartasan-dìbhe.

## C A I B. XXIX.

**A**GUS anns an t-feachdamh mìos, air a' cheud là do'n mhìos, bithidh co'-ghairm naomha agaibh ; obair thràilleil sam bith cha dean sibh : is là shéideadh nan trompaid dhuibh e.

2 Agus bheir sibh feachad mar ìobairt-loisgte chum faile cùbhraidh do'n Tighearna, aon tarbh òg, aon reithe, agus feachd uain do'n cheud bhliadhna gun ghaoid :

3 Agus *bithidh* an tabhartas-bìdh do phlùr measgta le h-ola, tri deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan feachd uan :

5 Agus aon mheann do na gabhraibh *chum* ìobairt-pheacaidh, a dheanamh réite air bhur son ;

6 A thuilleadh air ìobairt-loisgte a' mhìos, agus a tabhartas-bìdh, agus an ìobairt-loisgte ghnàthaichte, agus a tabhartas-bìdh, agus an tabhartasan-dìbhe, a réir an gnàtha, chum faile cùbhraidh, ìobairt a bheirear suas le teine do'n Tighearna.

7 Agus bithidh agaibh air an deicheamh *là* do'n t-feachdamh mìos fo co'-ghairm naomha : agus cràdhaidh sibh bhur n-anman : obair sam bith cha dean sibh *air*.

8 Ach bheir sibh feachad *chum* ìobairt-loisgte do'n Tighearna dh'fhàile cùbhraidh, aon tarbh òg, aon reithe, agus feachd uain do'n cheud bhliadhna ; gun ghaoid bithidh iad duibh.

9 Agus *bithidh* an tabhartas-bìdh do phlùr measgta le h-ola, tri deicheamh earrannan air son gach tairbh, agus dà dheicheamh earrann air son gach reithe ;

10 Deicheamh earrann air leth air son gach uain, air feadh nan feachd uan :

11 Aon mheann do na gabhraibh *chum* ìobairt-pheacaidh, a thuilleadh air ìobairt-pheacaidh na réite, agus an ìobairt-loisgte ghnàthaichte, agus a tabhartas-bìdh, agus an tabhartasan dìbhe.

12 Agus air a chùigeadh là deug do'n t-feachdamh mìos, bithidh co'-ghairm naomh agaibh ; obair thràilleil sam bith *cha*